



梵蒂岡圖書館藏 明清中西文化交流史 文獻叢刊

(第一輯)

13

張西平 [意]馬西尼 (Federico Masini)
任大援 [意]裴佐寧 (Ambrogio M. Piazzoni)

主編

四 大家出版社



張西平 [意]馬西尼 (Federico Masini)

任大援 [意]裴佐寧 (Ambrogio M. Piazzoni) 主編

梵蒂岡圖書館藏
明清中西文化交流史
文獻叢刊(第二輯)

13



大象出版社

目錄

超性學要	三十卷目錄四卷（卷二十五至卷二十六，第三大支卷一至卷四）	……	〔意〕利類思譯義	一
復活論	二卷	……	〔葡〕安文思譯義	五三七

超性學要

三十卷目錄四卷（卷二十五至卷二十六，第三大支卷一至卷四）


〔意〕利類思譯義

超性學要

論宰治萬物
卷之二十五

8ⁱ. Volum: 68. 21
Tom: 2. E. D. Tho: de Guber:
nat: Uniuersi.

III 2608
2



超性學要第一大支第七段目錄 論宰治

卷之二十五

總論宰治論第一

寰宇有何宰治者否 一章

寰宇宰治之終向在寰宇之外否 二章

宰治寰宇惟一否 三章

萬物屬天主宰治否 四章

凡物徑屬天主治下否 五章

有何物能在天主宰治之外否 六章



物能拂天主宰治序否 七章

分論宰治論第二

受造者須天主保存否 一章

天主徑存凡有否 二章

天主能歸何物於無否 三章

有何歸於無否 四章

受造之受易於天主論第三

天主徑能動質以得模否 一章

天主徑能動何形物否 二章

天主徑動受造之明司否 三章


天主能動受造欲司否 四章

於凡行天主行否 五章

天主能作何物在物秩序之外否 六章

天主凡行性序之外爲聖異否 七章

聖異中有此大於彼否 八章



超性學要第一大支第七段

論宰治

卷之二十五 極西耶穌會士利類思譯義

前既論萬物之受造。與其分別。今則當論其宰治。而宰治有總有分。先論其總。後論其分。

總論宰治萬物論第一

寰宇有何宰治者否

一章

經

曰。父

主天

爾因預圖

治萬物。

疏

古有士以爲無有治寰宇者。而萬物總歸偶然。此

其謬舉兩端斥之。一由物勢。蓋凡因性之行。各得其

美偶一變常有之。然不變其恒也。乃云各物無指引於其終向者。則何爲其然哉。又觀物序。分毫不爽。必須云此固有御治寰宇者。令各物各得其分也。二由天主美好造成萬物。蓋至美之有。卽天主宜造至美之物。期於全備。而物之全備在得其終向。卽宰治也。

駁 凡行動而行爲有所向乎。卽屬見治之物也。乃寰宇多分。皆無知無覺之物。並不知有終向。安得行動且行爲爲終向乎。則謂有御治寰宇者。似非然。

正 物之有何向且動。勢態有二。其一自行乎終向。如

人類與凡具靈性者知終向者之義。而竝知其所引乎終向者之物也。其二。非自行乃被行於終向。如矢之中鵠。非知終向。乃發矢者知終向而引於終向之也。夫矢動於定向。明示其見引於何知者。則諸無知性物之各有定動。豈不明示見治於何靈性者乎。

駁 凡動以得何。卽屬見治之物。今寰宇雖動而未見其得何。自爲穩定。如是則寰宇非屬見治之物可知。**正** 受造諸物。必有何穩定。如元質有何易動。如作用。皆各須見治者。夫穩定原爲無物也。而其得爲有者。

是須見治。若云不須見治。不將仍歸於無乎。後論詳之。則寰宇何免屬見治之物哉。

駁固然定於一之物。固不須外治者。寰宇就作用與行動。莫非定於一。則可免見治也。

正事物定於一者之固然。乃天主賦物之歆動。引各物於其終向也。如矢向鵠之固然。乃發矢者。賦之歆動。然有異焉。蓋物之受於天主者。卽物之本性。而其受於人者。在本性之外。爲勉強。然論強然之固然。在於矢之歆動。示有何者。指引矢。論性然之固然。示

有何。卽天主指引寰宇也。

寰宇宰治之終向在寰宇之外否 二章

經曰。天主造萬物爲已也。乃天主在寰宇全序之外。則物之終向。非在物內。而在於何外美好。

疏終向旣應原始。原始已知。則不得不竝知終向前。

論已明。見十卷第一論一章萬物之原始。卽天主在寰宇外。準此。

則終向亦在其外可知矣。蓋善好具終向之義者。而何物之私向具何私善好。而萬物之公向乃公善好云耳。公善好乃本然善好。卽善好之本元。而私善好

乃通然善好。今凡受造之一切善好。莫非通然善好。則彼爲寰宇之善好爲其終向者。必須在寰宇之外矣。

駁彼因見治者所至之善好。卽爲宰治之終向也。此美好卽在於見治之物。如病人所至之好。卽在於病者然。則寰宇宰治之終向不在寰宇之外。而在其內矣。

正得好之勢不一。有如模者。病得痊。學得知是也。有如作者匠人。施工力而得房屋。有如具者。買田得田。